

Mauhnyinz Yungzsuij Lienghsiengq Bya'myauz

融水稻草人亮相大苗山

9 nyied 15 hauh, Yungzsuij Myauzcuz Swciyen gawhengz daih'it gaiq "mauhnyinz" vwnzva ciet lijyouz, baenz buek "mauhnyinz" yinh daengz Yungzsuij, gak cungj gak yiengh cungj miz, guh ndaej lumj lij lix neix, baenz le aenbiengz gojlgwnyez, hawj gyoengq cungh siujhagseng lumz dwk dauqma bae.

(Lungz Linzci/龙林智)



▲ Mehlgw bae caeuq mauhnyinz hab'ingj.



▲ Geij boux siujhagseng caeuq mauhnyinz hab'ingj.




▲ Boux siujhagseng ndeu gag caeuq mauhnyinz hab'ingj.

Gwnz Dahyungzgyangh Lienh Ruzlungz Coux Ciengz Doxdax Hung

融江河上练龙舟迎大赛

Daj 9 nyied 17 hauh doxdaeuj, Yungzanh Yen geij aen doihruzlungz youq gwnz Dahyungzgyangh gig roengz-rengz dwk lienh doxdax, gaenxmaenx bwh hoenx 2016 hawsingz ruzlungz doxdax Liujcouh genjleh doxdax caeuq Yungzanh Yen daihcibbet gaiq ruzlungz doxdax 9 nyied 21 hauh yaek youq Dabsihgyangh gawhengz haenx.

(Danz Gaijhingh/谭凯兴)



▲ Aen doihruzlungz ndeu youq gwnz Dahyungzgyangh lienh vadruz.



▲ Gyoengqvunz doihruzlungz cingq roengzrengz lienh vadruz.

Yungzsuij Dung' yoz Yenzgiuvei Yaek Haidoengh Hong Vwnzva Baujhoh Caeuq Swnjcienz

融水侗学研究会将启动侗族文化保护与传承工作

Yungzsuij Myauzcuz Swciyen youq 2015 nienz 11 nyied laebbaenz aen Dung' yoz yenzgiuvei. Dungcuz youq Guengsae raeuz gyaeujvunz ciemq 32 fanh, cujyau faen youq Sanhgyangh、Lungzswng、Yungzsuij、Lozcwngz、Yungzanh daengj dieg. Dungcuz vwnzva swhyenz gig fungfouq, miz golaux Dungcuz、gak cungj gak yiengh swz ndei、laeuzgyong、giuzndofwn daengj gij minzsuz vwnzva daibyauj Dungcuz haenx.

Vihliux baujhoh caeuq swnjcienz Dungcuz gij

vwnzva dijbauj neix, aen yenzgiuvei neix gaenq haidoengh Dungcuz vwnzva baujhoh caeuq swnjcienz hozdung. Hopheux Dungcuz gaigvang、Dungcuz ndawbiengz sibgyenq、Dungcuz gojgaeq cienzgangj、Dungcuz bouxokmingz、vwnzyoz yisuz、Dung' yoz lwnhdamz daengj fuengmienh neix soucomz cingjeix, dajsuenq youq nienzdaej gaxgonq okbanj Yungzsuij 《Dung' yoz Yenzgiu》daih'it cek.

(Cwngh Siengzdwz/曾祥德)



▲ Aen koihndoi Yungzsuij baenz fanh runz.



▲ Maxdoxdik doxdax.

Fuconh Vahaij Yinx Daeuj Gyoengq Hekyouz

富川花海引来众游客

Vihliux gaijbienq lajmbanj seiqhenz swnghdai, daezswng lajmbanj seiqhenz swnghdai gij cizlieng lijyouz, bi' gvaq daeuj, Fuconh Yauzcuz Swciyen youq Fuzli Cin Huzsien seiqhenz mbanj cawx dieg 600 moux banh aen vahaij gihdi ndeu, faenbied ndaem vagwzsangh、vabakngoenz、godaengngoenz、vagaueauej daengj doenghgo, 550 moux vahaij gihdi seizneix dujduj va cungj hai caezcup liux lo, moix ngoenz yinx haujlai ndaw yienh rog yienh hekyouz daeuj youz yawj, doenggvaq yienghneix guh le, ndaej demgya nungzminz souhauej, lij ndaej gaijndeiz seiqhenz swnghdai.

(Cinz Yengiz/陈献吉)



▲ Gyoengq hekyouz doxcaenx daeuj yawj va.